

2022-2023 оқу жылындағы мектептің тәрбие жұмысының талдауы

Мектебіміз бойынша тәрбие бағыты бойынша жыл басталғалы оқушылардың ең бірінші тәртібін бақылау жұмыстар жүргізіліуде. Жоспарымызға сәйкес мектеп мұғалімдерімен бірлесе сонымен қатар мектепшілік инспектор мен бірге түнгі кезекшіліктер жүргізіліп келеді.

Тәрбие жұмысын жандандыру бойынша әкелер клубы, аналар клубы, мектеп парламенті жұмыстары ұйымдастырылды. Дебат клубы ұйымдастырумен және жас ұлан оқушылары арасында мектеп көшбасшысы өткізілді. «Қыздар ұйымы» жоспарына сәйкес 9-11 сынып қыздарына Қалиева А. ұйымдастыруымен мектепәкімшілігімен, мектеп медбикесімен кездесулер ұйымдастырылды.

Сонымен қатар жоспарымызға сәйкес және білім басқармасы, білім бөлімі келетін қатынастарға негізінде «бала құқығы, адам құқығы» «құқық бұзушылықтың алдын алу» «қауіпсіз интернет» апталықтары өткізілді. Жоспарға сәйкес «тәртіпке бас иген құл болмайды» атты тақырыпта 9-11 сыныптардың ер балаларға құқық пәні мұғалімі Алкенова Н. ұйымдастыруымен, мектеп әкімшілігі, мектеп инспекторы, және де әкелер клубының мүшесі Молбаев А. қатысуымен дөңгелек үстел ұйымдастырылды. Білім беру ұйымының бақылауына алынған жағдайсыз жанұяның тұрмыстық жағдайын зерделеу және ата-аналармен түсіндірме жұмыстарын әлеуметтік педогог және сынып жетекшілермен барып танысты. Жоспарға сәйкес қараша айының соңғы аптасында Республика күніне орай 10 күндік жоспары құрылып, шаралар өз деңгейінде өткізілді. АӘД және денешынықтыру пәні бірлестігінің ұйымдастыруымен мектеп, ата-ана, оқушы арасында жақсы қарым-қатынас орнату, салауатты өмір салтын қалыптастыру мақсатында мектеп ата-аналарының II мектепшілік спартакиадасы өткізілді. Бағдарламаға сәйкес, ата-аналардан құралған 11 команда волейбол, үстел теннисі өзара сынға түсті. «Жақсылық жасап жарысайық» қайырымдылық жәрмеңкесі ұйымдастырылып, «Жанашыр жүрек» атты қайырымдылық концерті өткізілді. 31 қазанмен- 6 қараша аралығында күзгі демалыс басталып, 31-04 аралығында Күзгі демалыс кезіндегі шараларды өткізу жоспары құрылды. Жоспар бойынша барлық шара өткізілді. Ағымдағы жылдың 4 қараша күні «Әкелер жолы - ізгі жол», «Ана-өмір шуағы» тақырыбында әкелер клубы мен аналар клубының жиналысы өткізілді. Жиналысқа мектеп әкімшілігі, мектеп инспекторы, медбике қатысты.

Мектеп психологінің ұйымдастыруымен тренинг өткізіп, түрлі ситуациялық сұрақтарға жауап берді. 16 қараша күні облыстық білім беру ұйымдарының 7-8 сынып оқушылары арасында ұлттық мектеп лигасының «Баскетбол» сайысында мектебіміздің ер балаларынан құралған командасы 3 орынға ие болды. Жетекшісі Қыдырбаев Т. Сағи А. Ағымдағы жылдың 23 қарашасы күні мектебімізге «Мемлекеттік қызмет - елдің мүддесіне адал еңбек» тақырыбында Байғанин ауданы әкімінің орынбасары Жеткізгенов Асет Тлеукабақұлы 9-11 сынып оқушыларына ашық сұхбат ұйымдастырды. 25 қараша күні аудандық мәдениет үйінің ұйымдастыруымен «Күзгі LIVE -2022 ханзадалары мен ханшайымдары байқауы өтті. Байқауға мектебіміздің оқушылары Спанов Әділхан мен Жұмабекова Арайлым қатысып жүлделі бірінші орынға ие болды. 14 желтоқсан күні ҚР тәуелсіздігіне орай 2-5 сынып оқушыларын «Жас Ұлан» біріңғай балалармен жасөспірімдер ұйымы қатарына қабылдау салтанаты жиыны өтті. Жиынға аудандық мәслихат депутаты Ахметов Нұрлан Ахтанұлы және аудандық білім бөлімінің әдіскері Қожабаев Елдос Нұрбергенұлы қатысты. АӘД пәні мұғалімі Тоқсанбаев Н. Ұйымдастыруымен 10-11 сынып оқушылары арасында «Жас Ұлан» әскери - патриоттық сайысы өткізілді.

Қысқы демалыс кезіндегі 31.12-08.01 аралығында шараларды өткізу жоспары бекітіліп жұмыстар жоспар бойынша жүргізілді. Оқуға құштар мектеп жобасының жылдық жоспары құрылып бекітілді. Қысқы демалыста оқушыларға Республикалық ғылыми-кітапхананың ұйымдастыруымен «Қыста оқимыз» акциясына 1-11 сынып оқушылары қатысты. Мектепте қыркүйек айынан бастап 2022-2023 оқу жылында оқушылардың бос уақытын тиімді ұйымдастыру мақсатында 1-11 кластарында үйірмелер ұйымдастырылды. Соның ішінде: Өнер бағытындағы үйірмелер, техникалық үйірмелер. Клуб жұмыстары: «Қамқор» әкелер клубы, жетекшісі Б.Жумин «Асыл ана» клубы жетекшісі

Оңғарбаева А. және де спорттық секциялар. Мектеп оқушыларының бос уақыттарын тиімді пайдалану мақсатында мектеп оқушылары үйірмелерге тартылды. Үйірмеге қатысу 85% құрайды. Мектеп оқушылары аудандық спорттық және білім сайыстарында жүлделі орындармен оралып жүр.

Құқықбұзушылық бойынша аудандық ішкі істер бөлімінде профилактикалық есепте кәмелет жасқа толмаған оқушы жоқ, бірақ отбасылық жағдайларына байланысты үш отбасы есепте тұр. Осы отбасының балалары қараусыз, қадағалаусыз қалудың алдын-алу мақсатында мектепшілік есепке қойылды сонымен қатар 7 оқушы мінез құлқындағы өзгеріске байланысты есепке алынды. Мектеп психологтары оқушылармен жеке жұмыс жасады.

Ағымдағы жылдың 4 қараша күні Т.Жармағамбетов атындағы орта мектебінде мектепалды даярлық тобы, 1-11 сынып оқушыларының әкелеріне «Әкелер жолы – ізгі жол» тақырыбында жиналыс өтті, Мектеп директорының тәрбие ісі жөніндегі орынбасары м.а. А.Самурат жиынға қатысушы әкелерге «Әкелер мектебі» қоғамдық ұйымының жоспарын, қоғамдық ұйымның төрағасы және мүшелерін таныстырды. «Әкелер мектебі» қоғамдық ұйымының төрағасы Б.Жумин «Әке – тәрбие мектебі» тақырыбында баяндама оқып, мектеп психологтары С.Сейталипа, Г.Ахметалипа, Ә.Мерекеқызы психологиялық тренингтер өткізді. 4.11.2022 күні мектебіміздің даярлық тобы, 1-11 сынып оқушыларының аналарына «Ана – өмір шуағы» тақырыбында жиналыс өткізілді. Жиын барысында мектеп директоры А.Р.Глеулина, мектеп инспекторы Р.Р.Ерғалиев баяндама жасап, аналар тарапынан қойылған сауалдарға жауап берді. Оқушылардың қауіпсіздігін қамтамасыз ету мақсатында мектеп педагог қызметкерлері мен ата-аналары учаскелік инспектор Р.Р.Ерғалиевпен бірге кешкі рейд кезекшілік бойынша жүргізіліп отырды.

«Нашақорлық – қоғам дерті» тақырыбында бірыңғай сынып сағаттары өтті. Мақсаты: жасөспірімдер арасында келеңсіз жағдайлар мен жат қылықтардың алдын алып, оқушыларға жан сұлулығының маңыздылығын ұғындыра отырып, салауатты өмір сүру мәдениетін қалыптастыру.

Т.Жармағамбетов атындағы орта мектебінде қысқы каникул кезінде оқушылардың пайдалы және белсенді қызметтерін ұйымдастыру жүйесін жетілдіруге бағытталған қысқы каникул бойынша іс-шараларды ұйымдастыру жоспарына сәйкес, 4 қаңтар күні 9-11 сынып оқушылары арасында баскетбол, волейбол ойындары өткізілді. Және де кітап оқуға құштарлықтарын арттыру мақсатында «Қыста кітап оқимыз» акциясы ұйымдастырылды.

Мектеп оқушыларына оқушылардың бір-бірімен қарым-қатынасын жақсарту негізінде оларды адалдыққа, достыққа, шындыққа баулу мақсатында "Қарым-қатынас жарастығы" тақырыбымен тимбилдинг жұмыстары жүргізілді. Өткізген: мектеп психологі Әсемгүл

2023 жылдың 23 қаңтар күні дінтану пәні мұғалімі А.Қ.Әлжановтың ұйымдастыруымен Т.Жармағамбетов атындағы орта мектебінде Аудандық ішкі саясат бөлімінің бас маманы, АТТ мүшесі Д.Әділханова, Байғанин аудандық мешітінің ұстазы АТТ мүшесі Д.Күмісбек, "Дін мәселелері және қоғаммен байланыс жөніндегі орталығы" психологы, АТТ мүшесі Т.Дыбысбаеваның қатысуымен «Оқушылар арасында діни түсініктерді қалыптастыру. Теріс діни бағыттардың зияны» тақырыбында 10-11 сынып оқушыларымен кездесу өтті. Жиын барысында оқушыларға деструктивті діни бағыттардың зияны туралы түсіндірме жұмыстары жүргізіліп, орталық мамандары оқушылар тарапынан қойылған сұрақтарға жауап берді.

Т.Жармағамбетов атындағы орта мектебінде 26-қаңтар күні ата-анамен байланысты нығайту мақсатында ата-аналарға арналған "Ашық есік" күні ұйымдастырылды. Ата-аналар балаларының орыс тілі, математика және қазақ тілі сабақтарына қатысты.

«Мемлекеттік рәміздер ұлттық мақтанышымыз» атты кітап көрмесі, сынып сағаттары өткізілді. Мақсаты: оқушылардың рәміздер туралы түсініктерін нығайту және олардың тарихтағы маңызы жайлы түсініктерді дамыту.

Т.Жармағамбетов атындағы орта мектебінде Байғанин ауданының білім бөлімінің ұйымдастыруымен "Мерген сарбаз" сайысы өткізілді. Сайысқа аудан әкімінің орынбасары

Ә.Жеткізгенов, білім бөлімінің басшысы М.Дабысов, аудандық қорғаныс бөлімінің басшысы Сатыбалды Алпысбаев, Қазақстан Республикасы Қарулы Күштері ардагері, запастағы капитан Дауылбаев Мир-Ғалым Елеусінұлы қатысты. "Мерген сарбаз" сайысына 18 мектептен 72 оқушы қатысып, бақ сынады. Мектебімізден оқушыларынан құралған команда байқауда үздік нәтиже көрсетіп, командалық есепте 1-орынды жеңіп алды.

Т.Жармағамбетов атындағы орта мектебінде саналы ғұмырын шәкірт тәрбиелеуге арнаған үлгілі ұстаз, ауданның үздік математигі Боранбаев Болат Сәрсенбайұлын еске алуға арналған мұғалімдер арасындағы II мектепішілік волейбол жарысы өтті. Нәтижесінде

Ағылшын тілі/ химия-биология пән бірлестігі - | ОРЫН;

Тарих-география пән бірлестігі - II ОРЫН;

Бастауыш/қазақ тілі пән бірлестігі - III ОРЫН иеленді.

Т.Жармағамбетов атындағы орта мектебінде ер балаларға салмақтылық, әдептілік және жауапкершілік қасиеттерін дәріптеу мақсатында "Ер азамат атына лайық бол!" Тақырыбында жалпы жиналыс, дөңгелек үстел тәрбие сағаттары ұйымдастырылды. Дөңгелек үстел барысында мектеп директорының оқу ісі жөніндегі орынбасары Ш.Қозыбайұлы және А. Әлжанов, АӘД мұғалімі Н. Тоқсанбаев "Азаматтық ардың ісі" тақырыбында дәрістер оқып, ер азаматтардың бойынан табылу керек қасиеттер жөнінде ақыл- кеңестерімен бөліссе, мектеп психологі Ә.Мерекеқызы ер балаларға буллинг және кибербуллинг тақырыбында профилактикалық әңгіме жүргізді.


2023 жылдың 13 наурыз күні мектебімізде Қазақстан Республикасының мәдениет саласының үздігі, Құрмет грамотасының иегері, ақын-сазгер Орал-Қосай Байсенгір және «Ақниет» халықтық отбасылық фольклорлық ансамблінің көркемдік жетекшісі, қазақ авторлар қоғамының мүшесі Әнуарұлы Асқар қонақта болып, Тобық Жармағамбетов атындағы орта мектебіне арнаған «Мектебім мақтанышым!» атты мектеп гимнін тарту етіп, тұсаукесері өтті. Салтанатты шара «Жарқын жүздесу» атты бағдарламамен жалғасын тапты. Бағдарлама барысында «Ауылдың балалары» ансамблі автор шығармашылығынан «Біздің ауыл тамаша» әнін шырқады. Кеш қонақтары оқушылар тарапынан қойылған сұрақтарға жауап берді. Салтанатты шараға білім бөлімі басшысы М.Қ.Дабысов қатысып, құттықтау тілегін білдірді.

Байғанин ауданының 95 жылдық мерейтойына арналған туған жеріміздің рухани және құнды мұраларын сақтау, оқушылардың бойындағы патриоттық сезімді ояту, туған жерге, елге деген құрмет көрсету мақсатында «Туған жер – тұнған тарих» атты дөңгелек үстел өткізілді. Кеш қонақтары Байғанин аудандық музейінің директоры Жаулина Лаззат Жүзбайқызы мен «Өлкетану» үйірмесінің жетекшісі Нұрбақыт Алуадинова туған өлке тарихымен таныстырып, деректермен бөлісті. Оқушыларымыз жерлес ақындарымыздың өлеңдерін мәнерлеп оқып, әсем ән шырқап, домбырашыларымыз күй тартты. Кеш соңында қонақтарға алғыс айтылып, құрмет көрсетілді.

27 мамыр күні Т.Жармағамбетов атындағы орта мектебінің талантты, білімді, шығармашыл, спорттық додаларда топ жарған жан-жақты шәкірттерін марапаттауға арналған дәстүрлі «Жарық жұлдыз-2023» атты салтанатты шарасы өткізілді. Шара барысында 2022-2023 оқу жылында облыстық, республикалық, халықаралық байқауларда топ жарып, білім ордасының абыройын көкке көтерген талантты шәкірттер мен олардың ата-аналары мектеп директорының арнайы алғыс хатымен марапатталып, мерекелік кештің куәсі болды. Шараға Байғанин аудандық білім бөлімінің басшысы М.Қ.Дабысов, мектебіміздің «Қамқоршылық кеңес» төрағасы И.Н.Суйесинов, ата-ардагерлер кеңесінің төрайымы А.О. Оңайбай, аналар комитетінің төрайымы Ш.Қ. Спанова қатынасты. Сонымен қатар іс-шара аясында мектебіміздің шәкірттерінің жан-жақты қалыптасуына зор үлес қосқаны үшін ауданымыздағы қосымша білім беру ұйымдары, мәдениет саласы, құқық қорғау органдары басшыларына Байғанин аудандық білім бөлімі басшысының алғыс хаты табыс етілді.

Жайдары жаз мезгілінің алғашқы күнінде Т.Жармағамбетов атындағы орта мектебінде мектеп оқушылары үшін оқу жылын аяқтау іс-шарасы өткізілді. 1 маусым - Балаларды қорғау күні мерекесіне орай «Бақытты бала - ел болашағы» атты мерекелік шарасы ұйымдастырылып, шарада бүлдіршіндер би билеп, мектеп бітіруші шәкірттеріміз әсем ән шырқады.

Мектеп директоры  А.Р.Тлеулина

Директордың тәрбие ісі
жөніндегі орынбасары м.а.  Ш.С.Хусайнова